

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**


**VD17 VD17 3:315948Z**

CCLIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

autem Typographis mittunt 1. Coronatum; & cupiunt sibi adhuc vel 20. vel 30. Exemplaria Programmatis mitti, ut & in patriam revertentes, quædam inter bonos distribuere queant; quod ut fiat, haud gravatim curabis. Vale. Datæ Prædie Nonarum Januarii, 1579.

I.  
Cyr. Spangeberg.



## CCLII.

(Philippo Marbachio.)

*S. D. Reverende & Carissime Domine compater.*

**B**iennium totum effluxit, nec ulla à te litteras accipio. Gaudeo igitur **B**omnia tibi ex animi sententia succedere, & fortunæ tuæ eam prosperitatem esse, ut veterum amicorum oblivisci possis. Quod si, ut non omnino diffido, scintilla aliqua pristina erga me benevolentia tuæ reliqua micat, quæso ut tandem de universo statu Scholæ Ecclesiæ & Provinciæ vestræ, & rebus tuis domesticis, ea, quæ amico, cujus fides tibi perspecta est, scire licet, me edoceas. Intellego autem Reverendiss. senem, patrem tuum, optare, ut in Academia Palatina DEO servias. Ea in re quid honestè & sine insigni Scholæ Stiriacæ damno fieri possit, haud dubie considerabis. Quod si vel ipse venies, vel aliquando ad patrem scribes, quæso ut Leges Scholæ vestræ descriptas, literis ad me tuis adjungas. Non totum illud scriptum de Schola, sed tantum Statuta de disciplina moribus & exercitiis, numeris, ut opinor, propositionum instar, distincta, recipere cupio. Mea tibi studia & officia vicissim defero. Bene vale. Die Concordiæ & Constantiæ, Anno 1579.

David Chytræus.



## CCLIII.

**N**ihil erat nunc quidem, quod scriberem magnoperè, cum haud pridem tibi binas ad te dederim. Sed quia præsentium lator meam expeteret ad te commendationem, D. Nicolaus Taurellus, non potui viro amico negare officium, maxime cum id enixe etiam postularet D. D. Isaacus Kellerus & Samu-

Samu-

Samuel Grynæus, singulares, adeoque intimi amici nostri, affines ipsius. ut quorum ex sorore neptem uxorem habet. Quærit apud vos conditionem Medicam, quam vacare intellexit, eò quod res familiares ipsius requirunt sustentationem, quam quo minus apud nos possit consequi pro voto, in causa est primum, quod locus nullus est vacuus, deinde quod non desunt indigenæ & ciues eruditione & virtute præstantes. Testificari autem de hoc possum, quòd posteaquam ex Colmario ad nos concessit, sese innocentia, modestia, pacis & tranquillitatis studio, frequentatione Sacrarum concionum & symbolorum usu nobis egregiè approbavit, sanctè etiam & religiosè pollicitus, se parem vitæ rationem deinceps in finem usque servaturum. De eruditione constat in arte Medica & Philosophia, ut quam toti Academix egregiè approbavit: nam vicariam operam Doctori Isaaco per totum semestre, & amplius præstitit, cum laude & fructu auditorum. Quæ cum ita sint, spero scholæ etiam vestræ, si professionem nanciscatur, ornamento esse futurum. Quare eum commendo tibi, affinium dominorum, & meo nomine, ut ipsum consilio & patrocinio iuves. Ex Gallia accipimus, circa Lutætiâ quæta satis esse omnia, augeri Evangelicorum cætus, cum nemo in ipsos inquiret, Rege toto in voluptates profuso, sed Provinciales passim nondum esse sedatos, qui onera exactio-num deprecari, & veterem formam gubernationis urgere non desinunt. Circa Mons-Pessalum & Nemausum aperto Marte dimicatur à Danwilano, hinc verò à Castiliano, Amiral-di filio, & constat copias Gwisianus, sed quo consilio propositoque, adhuc est incertum. De Belgicarum rerum statu cupio certior fieri, maxime verò de successu per Ecclesias & Heshusio, de quibus rogo per hunc nostrum, vel filiorum tuorum manu, si quæ constant, perscribere non graveris. Huldricum tuum expectare pergam, ut hoc vere nos invisat. Commendo te gratiæ DEI, cum uxore, familia toroque presbyterio, Dominis & fratribus meis colendissimis & clarissimis. Basileæ Kalendis Martii, Anno 79.

Salutant te reverenter Collegæ mei, quos nosti.

D. i. 1616

Simon Sulcerus.



CCLIV.

*Salutem in Domino. Reverende & Clarissime Vir,*

*frater in Christo Charissime.*

Qui has tuæ R. reddit, orbus est utroque parente, à Domino Caspate Hirschiq vero, hominè de Ecclesiis in Austria & aliis locis optime merito, &

Ecc 3

verò